

Inatsisartu suleriaasianni § 37 naapertorlugu Naalackersuisunut apeqqutit matumuuna imaattut saqqummiutissavakka:

Apeqqutit:

- 1. Ilinniartitaanermut, Kultureqarnermut, Ilisimatusarnermut Ilageeqarnermullu Naalackersuisoqarfiup meeqqat atuarfiat pillugu “Nivi Olsenip suliniutissatut siunnersuutai”, saqqummiussami siunnersuutit naalackersuisoqatigiinniit tamakkiisunit tunuliaquteqarpat?**
- 2. Ilinniartitsisut allaffissornikkut aqutsinikkullu ilinniagaqanngikkaluarlutik atuarfinni aqutsisussatut toqqarneqartarnerat pillugu, allanngortinneqarnissaanut suliniuteqarnissamik siunniussaartoqarluni qulakkeerinnittoqarniarpa?**
- 3. Atuartitsinerup pitsaassusianik nalileeriaatsinik pilersitsinissaq pillugu ujartuinermi, alloriaqqinnissamat Inerisaavik qanoq atorneqarnera ilanngullugu nalilersorneqarniarpa imaluunniit allanngortinniarneqarpa?**
- 4. Meeqqat atuarfiit immikkuutitaarlugit qanoq angusaqartarnerisut saqqummiunneqartalernissaanik suliniuteqarnissamat Naalackersuisoqatigiinni soqutiginnittoqarpa?**
- 5. Suliniutini siunnersuutigineqartuni Naalackersuisoqarfik attuumassuteqartunut qanoq ataqatigiissaarilluni suliniuteqarniarpa?**
- 6. Kommuunit ataasiakkaarlutik atuartitsineq namminneerlutik akisusaaffittut tigoreer-
nikuuaat, tamassuma allanngortinnissaa pillugu suliniuteqartoqarniarpa, assersuuti-
galugu qitiusumiit ataqatigiissaarisovalersitsinikkut?**
- 7. Naalackersuisup saqqummiussaani Ilinniartitaanermut aqutsisoqarfik pilersinneqar-
tussatut oqaatigineqartoq annertuumik isumalluarfigineqarpoq, Naalackersuisunit
siunertassaa pillugu itisiliisoqarsinnaava?.**
- 8. Angajoqqaat aamma atuartut suliami akuutinneqassasut oqaatigineqarpoq, qanoq
tamanna ingerlanneqarniarpa/qulakkeerniarneqarpa?**

**9. Meeqqat atuarianni atuartussaaitaanerup malitsinneqarnera qulakkeerneqartarpa/
takussutissaqarpa, qanoq amerlatigisut meeqqat atuarianniit naammassinatik
aniinnartartut?**

(Inatsisartuni ilaasortaq Suka K. Frederiksen, Siumut)

Tunnngavilersuut:

Meeqqat atuariat inuiaqatigiittut ineriartornitsinni pingaaruteqartorujussuarmik inissisimavoq. Maannamut ajornartorsiutit oqaluuserineqaleraangata ersarittarpoq meeqqat atuariisa angajoqqaat tikkuartortaraat, killormullu angajoqqaat meeqqat atuariat tikkuartortarlugu, tassani ersersinneqartarpoq akisussaaffik tiguneqarani ingerlatiinarneqartartoq, taamaamallu ajornartorsiutit annikillartunngillat.

Meeqqat atuarianni atuartussaaitaanerup malitsinneqarnissanut angajoqqaat atuariullu qulakkeernissaat pisussaaffigaat, atuartoq piffissaangitsumik atuarunnaarniarpat Kommunalbestyrelsimut qinnutigineqartussaavoq, taamaakkaluartoq meeqqat atuarianni atuartussaaitaanerup naammassinngitsut arlaqartut takussaapput.

Qularnanngilaq piffissamik aggersumi suliniutit annertuut ingerlanneqartariaqarput ingerlanneqarlutillu, taamaattorli qanimut malinnaatinneqarluta suleqataanissarput kissaatiginarpoq

Apeqqutima ullut suliffiusut qulit iluanni akineqarnissaat kissaatigaara.